



昭流先生詩集

四

16  
2124  
24



和6  
2/24  
24

紹述先生文集卷之二十四



詩集卷之四

男善韶 校

七言律詩

松蘿 丁卯

露漬氣蒸知幾日，山膏釀出若琉璃。  
嗽來頰裏香浸齒，採去籃中氣透肌。  
初似兒拳味方脆，老如偃蓋狀尤奇。  
料知不是人間物，却勝商山五色芝。

寄木祝

老椿鬱鬱蓋中庭，萬朵花開撲鼻馨。  
蟠地靈根千歲

紹述先生文集 卷之二十四 一

古傲霜危幹四時青黃鶯巧弄枝頭舌粉蝶輕飄葉  
底翎樊弟梅兄悉凡骨爭如斯豈保仙齡

懷舊淚

故人一去天窳廓冥漠幽魂何處求綠水無心春寐  
寐落花不語思悠悠始知世事常難必徒見聲名獨  
自留耿耿殘燈孤館裏夜深清淚數行流

贈可兒生玄好歸鄉

貞享四年仲春

萬里滄波一葉舩輕帆孤棹海西天片書頻速古園  
信數表忽收滿案編力學多年真可畏奉杯今夜亦  
誰先却思鄉友稀師友為約歸期更莫愆

九月十四夜應平井春澤之招同諸友玩月

同來玩月小齋東詩興忽生寂寞中更盡清談棊一  
局夜闌爛醉酒千鍾雲頭皎皎輪將滿葉際亭亭影  
猶濃四顧山河柱光遍主人勿勞挈銀缸

夏初遊于八坂

戊辰

時山口勝隆寓于八坂耕雲菴即蕉自子別業也北村前田共往時四月十四日也蕉自

有詩予次韻

綠暗紅稀三四月郊原始霽畫圖開亂鶯處處高還  
下乳雀隻隻去自來風綠柔條颭苑柳雨添新暈長  
堦苔一年好景無多日須對青山把酒盃

小樓孟夏

小樓獨坐午陰長，庭樹影濃風送涼。無事徒消閒日，月平生常負好韶光。池塘波暖魚苗湧，簾幕雨晴燕子忙。睡鴨淡烟遠書案，北窓一夢熟黃梁。

新秋夜坐陪太府清公筵賦孟秋念三

溽暑困人眠不得，倚欄陣陣晚涼清。竹垣搖綠琅玕轟，蘭畹抽青劍戟橫。雲罅躑躅星忽明，滅簾邊新雨乍陰晴。高堂綺席宴將半，隱隱華鯨時一聲。

重陽

佳節重陽天氣冷，忽看秋色到郊墟。霜黃林樹栗方

熟，露浥庭叢菊尚踈。篋裏空儲半成草，架頭未了讀殘書。踈慵還咲龍山客，青史滿前臥草廬。

吉田生見和予重陽詩又用前韻謝之

九月念三日吉田生名興行

秋光滿眼驚人意，黍離離垂遠墟。佳節隨人強相賀，苦吟會友意何踈。任慵未掃管寧席，獨坐屢繙玄晏書。瓦缶雷鳴端耐愧，瑤音難謝到蓬廬。

遊于鷹嶺知還堂九月十四日回蕉園之招遊于鷹嶺村上漫甫家府及北村薦所緒方惟文緒方惟秀坂口文安前田毅石河某見招

秋晚携朋三五輩，瘦筇緩步過前村。貪遊先著東山

履來興頻傾北海樽風急并梧多墮葉天陰塔蘇滑  
新痕落暉掛樹簾櫳暮憑檻一吟欲斷魂

泛湖

歸

九月廿四日因過氏之招遊于汴州膳所而作家君有詩中川好古又有詩廿五日

紗巾單袂未寒天輕舸蕩搖湖水邊遠堞隔林粉墻  
見長橋臥浪彩虹鮮北隣三越江光潤西接五畿山  
勢連鳴霧岫雲悉佳致何人能得入詩篇

贈中川處士

好古○李冬廿二日

問道道遙洛水濱  
議論不怠幾秋春  
醉經飲史何期富  
朝壺暮鹽堪樂貧  
蠅遠甕頭吸盃酒  
鼠穿屋角墜

梁塵閑身豈可虛名絆自屬清時真逸民

元日二首已巳

聖門事業本無窮辛苦年來未見功  
白雪絳霞前岳頂踈梅弱柳短墻東  
讀書何學萬人敵勵志豈安一室中  
堪笑區區窮措大徒將顏面對春風  
懶睡窓頭日色明乍聞黃鳥報春聲  
客因奮典先相賀人到新年却耐驚  
鐵硯漸磨功未遂棄孤徒設志難成  
踈材本不經綸器自沐皇風樂太平  
奉寄兵部大輔富小路藤公

家世簪纓累葉光讀書嗜學富詞章  
才高青瑣鳳麟

器位列紫宸鷓鷯行志道應須除俗習居官先要切手  
朝經料知名對延英日噩噩風聲動御床

擇勝亭赴謙翁之飲

河村昌澤號謙翁住智恩門前從家君性立所同往

冒雨東郊作勝遊盈疇麻麥綠如浮雲從音羽山頭  
起水向白河橋下流燕子梁間驚午夢杜鵑枝上促  
春愁陌頭勿厭深泥溥還得清譚半日休

安井藤花

瘦筇赴暖到初地方值紫藤始發時弱植牽風颭翠  
葉輕柔裏露弄芳姿虬梢虺蔓千條曲鳳尾龍髯萬

縷垂幸是牡丹花滿苑伴看春色十分宜

春晝書懷

坦腹微吟臥小樓春眠未穩思悠悠壯圖早勉期成  
就世事從來不自由百代是非真所畏一身榮辱亦  
何謀堪嗟荏苒年光過費却星霜二十秋

登原壇望洛

巔巔升高北岳巔林垆漸暖艷陽天路穿巖嶂藤蘿  
掛峰疊峻嶒松檜連五劇三條夕暉裏千村萬落暮  
雲邊登臨縱目八荒外盤礴高吟自浩然

韓信次松字韻

具禮設壇登國士，須臾席卷許多州。收功赤幟并陞口，制勝囊沙灘水頭。志大嘗遭跨下辱，計神何讓幄中謀。可憐鍾室遭奇禍，本自雲夢作偽遊。

漢高帝

羸運永窮真主出，啓啓萬彙自茲蘓。山中四皓恐輕士，魯國西生豈鄙儒。楚士八千終殄戮，秦關百二入雄圖。蜚鴻射盡良弓棄，却恨君臣意未孚。

新秋造二尊院

清晨衝霧出京城，忽至上方鐘。正鳴回磴葛覃攀，疊巘斷碑苔蝕拂先堂。松杉雲落山堂午，菡萏露香水

檻清境寂不聞人語響，高低處處亂蟬聲。

次韻應澹牕之招

為喜寒宵更正，永唵燈自是。可相親調高更服，敲推熟情懇何嫌。來往頻隨手卷舒，蘓米帖望塵陪侍陸。潘賓多年從事毛，錐子却笑利名忙裏人。

伏見故城桃花 庚午

玄都觀廢事還新，唯有武陵經幾秦。極目艷霞迷十里，陶情媚景冠三春。風吹芳蕊鋪紅糝，浪點輕花漾紫塵。城郭而今何處是，桃花笑殺看花人。

賡韻元安生詠梅之什

斯花不與百花同，獨發百花未發中。斜月窓紗印，疎影黃昏簾幕動。香風清標更適清，新句文會雅推文。字雄從此百花相，次發斯花須首百花功。

訪梅嶺雲禪師

掛錫從來知幾年，經行久廢謝塵緣。風幡談午獨忘倦，雲衲護寒只任穿。鳥下生臺飯鐘後，鹿鳴秋苑講經前。初知高臥心安樂，松竹成區自晏然。

河口舟中作

今日始伸湖海志，拓開幽鬱共遨遊。新船出口人呼渡，露積岸頭鴉聚洲。太惜羨魚無結網，每志嘆鳳欲

乘桴披襟時坐樓船上，一瞥西南數十州。

篙工搖櫓離河口，欸乃一聲入海天。霄漢鴻飛碧雲表，畫舫龍偃白波前。城從林罅壘先見，帆傍日邊播愈鮮。勝景留連人共樂，幾多笙鼓夕陽船。

岩崎氏二難見招

共蔭涼檐自愛閑，蟾光的的洗塵寰。金昆玉友併雙美，酒客繁人解笑顏。屋宇巧遮簾外樹，星辰漸沒檻前山。吼鯨撞破綺筵散，清話豈唯半日間。

難波城

嘗慰當時兆庶心，貔貅億萬武威森。金墉萬雉連雲



壯天塹千尋絕地深粉堞樓鴉枯樹裏綺闥繫馬綠楊陰人生荒忽百年事空有聲名直到今

京兆尹內藤侯府寮藤井君欽東都聖廟之營建形之賦詠疊至三章加藤玄三伯仲共有嗣韻又欲予賡其韻然韻險材拙龜技既窮漫次東字韻一章聊塞其請

聖學千年興海東再嚴廟貌仰鴻功憲章自與乾坤久霈澤更同雨露濃化被九州春浩蕩道明四際日曠曠昔時莫咎晏平仲萬古人心本自公

漁樵問答

揄袂息肩伊水頭談山語海共悠悠自隨簑笠聊堪樂何事茅柴採不休常愛爛柯親羽客却憐釣國擒諸侯始懼聖主徵求至急脫羊裘刺小舟

與同席諸友賦新綠二首

新葺滿庭低戶斜柔條弄綠上牕紗初欣時雨潤如膩遠望翠雲密欲遮色並三冬清節竹觀同二月軟紅花快晴天氣可人日欲與堯夫隨小車  
遠坳首夏恣行時新綠依依似索詩當暑罷傾程孔蓋讀書不用伸舒帷濃陰棲雀巢柔幹嫩葉翳蟬宿舊枝更鄙桃嬌與杏艷何如生意一般奇

扇

新裁宮樣白鸞綰曾去，截山伴晉賢。月礙兩峯光，偏  
欽雪堆十畝色。增妍輕紈自取炎，涼態軟骨能專闔。  
關樞休道化工人，不管亦教三伏若秋天。

元日 壬申

祥光四海一家理，誰取東風屬管城。冰裂沼池春有  
脚，寒殘梅柳雪無情。曲肱佔俾士遊菽，鼓腹謳謠后  
省耕。欲報新鶯知歲至，既來窓外向人鳴。

梅 正月廿八日藤光祿席上  
與冬嶺篤所二子同賦

幸及瓊姿猶未老，勝遊何厭雨霏霏。橋頭宜看和煙

放風外難堪為雪飛，衣笠山前千畝圃。管公祠傍一  
松扉，傍籬臨岸儘清絕，不許無詩容易歸。

復軒詞宗從子借懲忿錄頃寄瑤音卒和謝之  
嘗徵芑茅航鴨綠，華兵失利內帑殫。三都瓦解拒無  
策，八道士崩敵更難。馬背慣聞金角警，刀瘢恐著鐵  
衣寒。羽柴基業今何在，却看箕封國尚安。

白巖春仲遊鷹嶺作

林 二月七日從冬嶺家  
君篤所遊那波氏莊

崖腹搆亭三四宇，夕暉朝霽共堪遊。雲封危棧捫蘿  
度，雪擁斷橋據石休。園菜欲迎來客摘，孤村要得好

詩投適情不覺既傾倒退却免毫君莫尤

是日次主人韻

林塘取路到斯亭誰惹詩情集戶庭山足村晴漏些  
白樹巔峰露納遙青石門占勝細杉徑蕭寺接廬遂  
竹肩應是時禽催我興翠烟啼破不曾停

春仲文會堂席上作

甘雨昨來滿小渠喜看柳眼一時舒圖書洲畔鶯  
鳳翰墨場中恣獵漁架積聖經又賢傳盤羅海錯與  
山蔬樗材不是王充慧須取四瓶幾度醜

是日席上賡約齋詞宗韻

水島慶欽

滿座雅音森若林叨攀鳳翼費新吟蚓蛇千態如椽  
筆韶護九成擲地金久惜三餘磨講究須繙萬卷勵  
追尋交情多日阻良覲欲吐野情呈寸心

又次春琳韻

文海多年縱涉獵說詩茲日倒韓轅滿座高明懷利  
器一介白面遇盤根品香蟬眼茶三盞窓映蟾魄月  
一痕自此山紅兼澗碧應須共杖遍郊原

鏡中燈

一點蘭膏金殿曉菱花影碧瀉清光始疑漁火射寒  
浪又訝客星貫大陽此裏無風芒自動終宵不剔焰

何長想應君上勤朝政犯曉六宮理粉粧

嗣韻謝古峯之招五月二十七日

置亭東阜松杉際塔影岩峩斜入簾一鳥破烟歸別  
嶺千竿洒雨掃芳檐韻嚴難得坐間押吟拙不堪屏  
上黏銹澁短刀廢磨淬自慙群彥筆鋒銛

晚夏石門即事六月

此處來遊今幾度山光入夏益蒼蒼安排未得鮮新  
句抖擻難除塵習腸雜樹含風生爽籟疊雲帶憤促  
微涼不須苦取終南徑

八月十五夜會方維文宅賞月

偶值佳期欣快霽雲衢彩徹一輪懸何辭婪尾芳樽  
倒休問玉壺更箭遷天柱峰光不足羨廣寒宮影今  
方圓豈忍此會少風雅須寫絲牋滿百篇

秋晚遊北野祠官能歷居九月廿八日

雅集西園尋舊期秋巒勝事屬斯時飲酣雖沒半規  
日吟澁難裁七字詩已見衰梧圍毀井纔留荒菊立  
踈籬高用滿座非生客侵晚徐歸亦未遲

同諸尊長遊堀蘭亭次主人韻癸酉

騷盟幸屬陽和日滿苑杏桃曝綉裳句句瓊瑰詞最  
老團團龍鳳味方長九衢卜築野情適三世藏書手

澤香又喜人間德星會接談盧駱與楊王

賡夏忠靖人影詩韻

何邊歸去何邊生出入相隨熟我情趁晷東西長或  
短度橋來往住還行為懼爾去嫌燈暗要待君來喜  
雨晴清曉紙窓復誰伴相俱踏碎月華明

遊清水寶性院

勝地千年芳躅古深秋雨色罩層巒祇陀園暮鐘聲  
遠靈鷲山高樹影寒城角遙穿蒼靄密峯腰不掛落  
暉殘難堪奔走風塵裡懷抱而今覺自寬

恭應

一品親王教賦菊此歲王命細素作詩者賦菊詩

斯花本稱隱君子不與眾芳爭後先黃白籬籬分畝  
秀高低及及著英圓佳名嘗著不韋紀風節又聞湘  
纍篇千載倘無彭澤愛只今詞客若為傳

菊花

籬落秋容餘逸態應嫌蜂蝶去紛紛品繁如閱百花  
譜色艷認來一簇雲酈水泉甘宜養老楚江英落尚  
思君千年賞詠幾多輩陶後風流鮮有聞

贈秀嶺水野法眼

慶雲

之武城用諸君贈別之

韻

河梁攜手恨難禁知踏楚雲湘水深欲附龍鱗行雨

日正安鶴髮倚門心莫言交道棄如土今見諸賢利  
斷金到處江山奇絕態應須收拾入新吟

歲旦 甲戌

既是嬉嬉無事民况遭熙洽右文辰周公禮樂三朝  
會夏后乾坤四隩春久謝白丁来往跡慵求黃甲利  
名津此生幸免折腰苦欲擬長安高臥人

早春書懷

坐看園亭春意泛料知紅紫滿郊東談玄未必解三  
語巧賦無緣送五窮求利者疲奔走路讀書人老是  
非中拋來身計與家計欲學浴沂曾點風

和緒方君席上韻 五月十一日

羨君坐上客常滿巧手構成五鳳樓談裡無言耐驚  
座盃中有物解忘憂棟花雨漲滿川浪叢篠風生五  
月秋休罵鄜居詩料少江山神助不由求

謝古峯惠三史二首

舊業傳家禮與詩五車今得助唔呶豈於高閣徒空  
東自此小園可不窺莫道只今無傳癖任佗喚我做  
書癡青藜吹焰通宵誦問字不煩傾四瓶  
牙籤軸軸荷君惠緗帙堆中春色鮮苦誦夜長鐘隱  
隱懶眠日午腹便便休誇讀得拾青紫須識熟時通

聖賢留與兒曹資，稽古任佗呼做舊青瓊。

甲戌中秋緒方君宅賞月次韻主人

巧匠暗投擲地金九天，風露入清音。胡床逐影頻移，  
坐楚玉奪光何處尋。桂暗頑雲，雖尚密竹疎前嶺，不  
遮陰。唯除談古談詩，外口裏無些俗態侵。

贈三浦浮陽歸江東舊廬九月十八日

從遊十載京華客，鱸美尊香忽促歸。儋石無儲尚莊  
誦一裘任壞笑，輕肥琵琶湖冷漲秋霽。桐柏山高澄  
夕暉，渭北江東雲樹想。夢魂遙遠釣魚磯。

謝長尾知幾見招

十一月五日土佐人長尾順哲見招冬嶺翁  
家大人篤所惟文小倉恭吉田懷德赤井公  
諫

喜子論文頻折簡，僑居剝好避黃塵。南溟波險思鄉  
淚，洛汭地幽耽學身。端硯煤香淋墨汁，胡瓶梅瘦吐  
朱唇。風流不許談阿堵，此會清高無古人。

元日試筆乙亥

欲賦新詩吟未了，曙光驀地遍東郊。青州從事吾知  
已，白水真人久絕交。慵問浮花將浪蕩，堪甘野蔌又  
山肴。頭顱拋去功名外，到處年年誦解嘲。  
喜村上維亮仕于信州諏訪侯

信州風土素淳古聞道金臺聘郭隗投杖欲尋江北  
雪賦詩遙寄隴頭梅鷺湖水合狐先渡望月牧荒駒  
尚來須在士林露頭角豈應逐隊徒徘徊

次冬嶺先生除日韻

聞達從來低看了一生不掛齒牙間春臺拈句任情  
適冬嶺緡書稱意間黃紙朝班餘白髮素封眼界領  
青山吾人何幸際昭代躬觀皇風通八蠻

遊黑谷西翁院并序

乙亥上巳後一日應同志諸友之招冒雨遊  
紫雲練峯西翁院節屬清明時方艷陽冠童  
成行追子哲之沂水章逢滿坐慕右軍之山  
陰諸君雅什璀璨成軸自賦一律以記偉饒

白櫻朶朶柳絲絲共浴鴨河把酒危彩筆縱橫山有  
助黑雲斷續雨催詩童行冠者舞雩友修竹茂林曲  
水辭素向侯門踪跡少任佗鯨吼鳥還時

題古義堂前白櫻并序

小園袤二十弓濶四分之一前望長衢俯瞰  
洛川西隅白雲之壘翠南仰金城之壯麗中  
構小堂扁曰古義堂前方僅五畝白櫻一株  
陰蓋四隣所謂江戶櫻者也艷華媚乎春綠  
葉蔭乎夏二十年前火後移植今已  
滿園日賦一律以倡諸君子詩云

上國名花櫻絕代小園移植入詩篇宜晴宜雨兼宜  
月若雪若雲又若綿墜蕊舞風黃陌曉艷葩逐浪洛  
川邊周蓮陶菊千年愛比並此花孰是妍



蕉窗宅同賦雨中書懷

四月八日從家父造坦菴冬嶺薦所維  
文蘭臯松字養菴豐滿某河端某至

塵中浪迹久蹉跎，幸是吟髭尚未皤。  
萬事吾今聊復爾，世途振古叵如何。  
午風籜解娟娟竹，暑雨蓋傾的的荷。  
醉味却令詩思惱，床頭欲直到南柯。

豐河二生借耕雲菴招客

三月二十五日江之  
八幡人豐滿某河端

某招

水送山迎三二里，芳園占勝洛城東。  
乳烏爭食棲深綠，新燕銜泥蹴軟紅。  
一塔影危勢如壓，百花塢暗徑難通。  
從來佳境難占得多，屬神祠與梵宮。

夏日集光祿大夫藤公第得過字

四月十四日冬嶺家君薦所宗哲  
蕉窗蘭臯大角良可及予同見招

午熱低垂苦叵過，一筇投步影婆娑。  
茶清能解文園渴，田曠求歸栗里歌。  
村婦候晴打黃麥，畦丁灌畝植新茄。  
此亭四顧收光景，醫得烟霞痼疾瘥。

夏日冬嶺公席上

夏半暝雲難得霽，枝低葉濕子規啼。  
薔薇雨瀉上池水，躑躅紅迷冬嶺蹊。  
異日押班青瑣闥，只今倒醉白銅鞮。  
晴梅早晚四山興，酒伴吟朋何地携。

贈杰并公諒歸土佐

并序五月廿日

赤井公諒氏自土來洛受業於家翁之門頃來告別將寧親其鄉詩以餞之

頭角挺然玄圃裡大任負荷見君堪苦心跋涉山兼海刮目進修冰與藍遙望鳳城唯拍日欲攀鵬翼忽圖南天涯一別青冥遠須記宵宵剔燭譚

古峰子宅賦秋雨八月初九日

此日秋陰難得霽淡烟引雨透簾帷浪漚沸鼎夢闌後雲穗遠牀情倦時慵見片飛梧葉葉好聞碎滴竹枝枝風情更没人收拾箇箇拈來入我詩

九月初二遊北山

一丘夙有誅茅志稅駕未知又遇秋林斧溪春山互

峇斷猿歸鳥暮相咻是非振古襄城轍名利驅人巫峽舟洛下耆英今健在吾曹不少忘年交

秋晚赴蘭臯之飲登東山雨中即事

九月二十三日從家府同冬嶺薦所古峯浮陽坂口文安到淺周迪堀正脩梅元端至

又恐秋陰虛爾過衝泥是日上東臯補陀閣破夕烟秀華頂峰懸微雨高爛醉笙歌還俗子剪燈書史屬吾曹詩才八斗一時傑白戰手慵揮彩毫

初冬十九日初遊古峰子鴨川別業枕流亭

榜揭枕流追子荆適知談笑耳根清詞壇張陣詩無敵勝地引人酒有情鴨水一條岸南北長安五劇路

縱橫更無俗物敗人意疑在竹林伴步兵

直諒堂分題賦筆陣十月廿五日

佳兵豈止武人事墨客從來好弄兵  
篆隸體新察今古瘦肥勢異互輸贏  
臨營屢試紫毫銳對敵先登白楮城拜命詞壇非我事  
硯田早勉事歸耕

阿形豫菴席上作

寒雨晴時君有約占閑塵裡免營營  
奇書名畫傳家古綵壁綺寮設興清懷  
橘屢嘗江北味識荆不用汝南評  
十年交義真知己耐久而今尋舊盟

大澤中涯招諸友遊黑谷養親院丙子

二月廿六日澤英貞父子招予及弟長敦長衡時依田秀悅並河知竹弟良弼芥河時亮豐田成美守保某藤江某到

循畔沿溪春十里綠茵艸軟肆筵時  
驚峰嵐斷孤標立獅谷雲暗金刹危觴  
咏元非戀酒客徐行更適覓詩期冠童數輩皆鄉秀他日一龍成者誰

春晚遊古峯氏鷹峯別業將歸口占

遙穿紫野到鷹嶺山茗未芽雨未晴  
空取午窓黃妳熟易孤湖海白漚盟  
馮郎長鈇彈來壯賀監金龜換去清  
設使葛仙知此樂悔求勾漏願長生

謝那波祐長見招

卓家昆玉素相識，招客共談春色深。歲月仍驚屈指拍，數園亭更適支頤。唵田真家睦，紫荆茂馬燧才豪。翠竹森此會更無非意，至十州神趣不須尋。

遊并河損齋城南莊答見寄韻三首

四月十四日從家君造長谷川涼園小見山涼甫予松道淳至莊在橫大路邑

朱雀街南行二里，乘麻深處好尋芳。青門瓜地邵平，隱錦里芋園杜甫。狂步有新船，人輻湊。邑無吠犬俗，慈祥只今雞黍。追嘗約來對元方，與季方。

來就桂河河畔，宅石梁畧約竹。為籬曾通五七神經，秘且學三千曲。禮儀斜整隨流，漁肆列西南。輸綠嶺

容歌蚌胎且喜生珠玉，欲誦今原周雅詩。

自笑懶真無藉在，拋書今日又長途。一千畝竹渭川，業八百株。乘諸葛廬欲學耜，思賣劍好逃草芥事。荷鋤遊酣醉何顏，面且幸乾坤容腐儒。

冬嶺翁小隱席上次北村薦所氏韻

詞壇宿匠世宗盟，一榻相逢眼共明。鄉約每拚尋竹，約世情還淡覓詩。情雌雄振古說飛伏，金羽且休比。重輕更有蘿筵草堂趣，却言莫使曉猿驚。

昔遊五月十二日為并河伯仲所携遊北野社司能

惠宅歸途阻雨憶去年，祖南客於此地云。

高階芥河伊藤吉井大澤中村豐田成立兒  
玉宇保藤江及予二季敦衡九十五人至

昔遊追憶更悽涼，此地徂年記舉觴。  
倦偷閑到寺為詩忙，雲林院廢村三戶。  
一墻貪逐螢光，不知晚無端細雨濕吾裳。

東並河桂汀

已見隱然負棟，器後來造就定如何。  
雜學苦更嫌應接，多多日金蘭要披豁。  
蹉跎偉材吾有玉成，志又望賴君得切磋。

中秋緒方君宅賞月，君隔年告休在洛，每招諸公從先生到冬嶺，薦所江宗簡江成章至。

故人官暇騷盟在，又賦隔年三五詩。  
彩博望槎泛滯歸，期影宜綠竹稀邊見。  
處奇尤物從來巨，并得桂花不及菊花時。

席上賡古峯詞宗漫興韻十月十八夜

豈將強項效奴顏，難化性靈素愛山。  
紫淺淡霜使岸楓班，從來溝斷何歎賤。  
得間知足解云身未解，是日未踏世途艱。

應阿形豫菴之招遊高臺寺

十月廿一日阿形順的招家府及予井德建  
及子春澤春城北村可昌觀高臺寺紅楓遂  
集知恩院  
樹昌庵

高臺院古扣禪關，磴曲徑款，蘿可攀時，見僧來參白，足更無俗到，問青山，霸圖今日委塵土，民命昔年視，草菅不暇對君談，世事烏絲寫上，幾回刪。

予自癸酉八月二日始講毛詩，今茲丙子臘念

七日卒業

欲問皇風且誦詩，自斯幸免面墻譏，成周文物二南化，尼父述刪四始，次興觀群怨隨，讀會鳥獸艸木記，名知須揮昔日訓，庭意却耻期期乏解頤。

壽長岡先生七表名意丹以醫名小序見文集

華名轟震古稀，歲術要濟民，遍帝州身健，不須曳鳩。

杖眼明，今尚讀蠅頭，有孫有子百無患，得壽得名六，曷求自此行看滄海變，添籌海屋幾春秋。

元日 丁丑

嘗知斯道無今古，志學十年未認真，玉燭和逢千載會，金甌治屬八寅，春愧將緯地，經天業長作尋行數，墨人生意不須費，饒舌化機到處欲津津。

初集晚翠窩次韻主人古峰

二月十七日同家君冬嶺薦所蘭阜宗簡亭在知恩院側

華頂之西新置野，揭扁晚翠集餘寒，占幽目樹尖頭，屋愛寐倚梅小竹，欄詞客而今吐詞健，間人底事得。

間難談今商古首頻聚莫做尋常茗飲看

曰大澤氏之招遊於北野宮次主人留題之韻

偶曰野步度長川春色祠頭尚索然松老四山迴合

裏梅芳百卉未開先金鋪暉映蠹塘側鐵畫森巖揭

廟前遺愛千年土師德只須仰德勵乾乾

贈東川平井法眼應紀藩之辟適若山閏月廿四日

南服侯藩敦聘日忽辭華洛負春風金峰嶺聳千尋

險弱浦潮千萬頃空肘後諳方傳秘訣籠中有物奏

奇功從來上國多相識唯愧被嗤吳下蒙

次韻端峯見招

上己前一日本那波祐長招予父子及冬嶺薦所維文芸菴松宇古峰

花掩重墻柳掩門京華春事集名園唐詩時對會人

語晉帖或俱佳客翻方有龍牙雀舌淨更無急管繁

絃喧馳驅所得又無幾且取經營付醉昏

自詠

頃來初覺自知短誤就高堅勞躋攀南舍追隨堪語

友東臯點檢可遊山讀書求道多求利營業耐忙不

耐間不朽本非關進退達人後古說伊顏

悼山口野哉翁

翁名勝隆姓多多良氏大內義隆七世裔事膳所本多侯罷仕隱于伏見丁丑五月廿四

日終年七十六六月廿四日那波祐英黑谷西翁院致奠招冬嶺家君萬所壽軒蘭阜松宇毅菴長胤

顧躬據鞍真將種却拋金璫老南陽胸中韜畧雖無用身後典刑永不亾偉節當冠逸民傳雅交當屬文人行欲知精爽騎箕尾須憶多年養氣剛

八月十四夜枕流亭玩月

古峯招家君冬嶺萬所蘭阜及子

豈但良用賞佳月况令橫檻枕河湄偶經雲際暫相失僅到天中不覺移雖少樓鐘撞妙句不須吳斧斫繁枝天公本忌十分滿勝錢豈虛二七時

遊龍峯正宗菴方丈有元弘中所賜勅額

壬午四月廿九日應河那部氏之招從先生同朝倉大澤豐田携衡弟往

不須山屐冒峻嶒半日相逢竹院僧朱閣崢嶸逼兜率丹門剝落棲迦陵明窓長為看雲坐小檻時目覓句憑世事百年人死盡唯餘奎畫記元弘

閏八月十五夜

天時雖過三秋半月色仍思八月槎露葉暉暉寒影瘦陰蛩唧唧夜情多團團是日唯文字翫體誰人託浩歌望斷雲衢千里外潯陽風物定如何

遊賀茂中大路丈莊

從先生同可昌簡亮到中大路清茂宅



雖非少小釣遊地風物依依關我情  
烟接平蕪秋樹遠水環古廟  
晚花明新詩且乘醉時寫石徑苦求奇  
處行斯興城中最難得長堤步月聽虫聲

默所丈宅賦夜雪騰十一日正  
薄千甫等到

時有野梅傳暗香寒更聽雪對繩床  
村前已失竹陰路舍北應齊松外墻  
淮蔡奇功思李愬汝南白戰愧歐陽  
頻呵凍研詩難就何處能求龜手方

同日席上賦歲暮會集

蹤跡蹉跎向晚歲盍簪今夜雪初霽  
凍禽叫月拂簷端脩竹依人立庭際  
博聞徵事駭新奇菲才戰文避

賦古戰場騰念日鈴木則  
之席上換題

此地嘗聞厭人肉日曛蓬斷水潺湲  
舞風蘆荻滿孤壘帶雨鬼燐走曠原  
壇浦當年運奇策湊川千古慰忠魂  
吾王好德民逃死共植桑麻長子孫

元日戊寅

誰令春色到丘園又任家人晏啓門  
百姓有田何帝力八方無事自皇恩  
馮生庸詎長彈劍揚子休言不載樽  
却笑腐儒昧知今欲將寸墨正乾坤

圖詩韻國中島  
義方韻

芳聲嘗著司農籍身健何須掛吏冠清白傳家名是  
震詩書稽古姓元相遐年長共南山壽貞節高侵北  
斗寒洛社英遊尋舊事睢陽圖畫得重看

蘭皋丈人席上次韻

二月十三日

千里東遊期已近今宵延客助清歡十年有友辱青  
顧一事無為耻素餐吟對高材知益澁愁回酒力覺  
稍寬詩筒不隔蒼波遠如面莫嗟會面難

是日分題得樹影

千章夏木繞吾廬亂影鋪庭密又疎落水或遭船脚  
攪點階難使帚頭除客衣誤想帶蘿薜農圃還嫌翳

菜蔬引取午風雖可樂若為妨曝架頭書

樓影

危樓百尺瞰無地覆厭影高誰所基冠服臨池疑倒  
坐簷搃射日欲斜欹既追走月東西轉又為懸燈左  
右移老蜃海中亦何意思應龍府會馮夷

花影

月移花影上欄杆葉葉條條共一般委地堪教兒子  
捉迎風巧學蛟龍蟠欲留餘馥徐移履恐亂清陰不  
心冠又喜天公多意緒一枝分做兩枝看

夢

四月六日石井正俊社題

須識高唐蕙版築，一心感處本難欺。茫洋忽失將成句，彷彿每□將就詩。方寸魂馳千里外，百般緒亂五更時。子規啼破槐安路，月掛長松最瘦枝。

枕流亭

六月六日

欲引平章風月客，茂林鬱處避輪蹄。帶孫竹自籬根迸，結子菓從簷隙低。紅友非無今日興，青奴應為是時携。竭來新事談猶半，未日行天影已西。

秋夕閑望得殘字

七月廿四日 岡東庵詩社

弊裘羸馬只儒酸，落日西郊暑尚殘。枝瘦長松風索索，葉低疎竹露團團。看山幽趣與誰語，臨水閑愁強

自寬鐘磬聲中催暮景，欲歸點筆石欄干。

林間湛然居秋夜，即事

不管幽人領詩景，砌桐共暮雨紛紛。新交舊識對林語，殘滴悲虫隔壁聞。臨昏屢試隨意筆，讀書每抄會心文。且吟且坐且傾盞，棊几鐵檠欲夜分。

次主人見和

自嫌非出又非處，書札堆林醉世紛。榮辱雲龍每駭聽，是非蜂起不堪聞。字從義獻更無字，文到韓歐真是文。商榷與君應屢集，閑窗涼夜近秋分。

又酬見和

真風漸薄，澆風熾世。路無時，不蠅紛對客。揮毫君獨得下。唯好學，昔嘗聞清。新須學，庾開府。檇散常比，鄭廣文。終夕論心，不相借要。知此處，邱丘分。

漁家

八月十一日  
元悅宅

旦傍古岸作村，斜茅屋相次六七家。南海不求爭珍貨，西疇何事種桑麻。老妻柳外午曬網，稚子蘆邊晚弄笳。欲識漁翁真活計，賣魚歸去酒堪賒。

林間煖酒燒紅葉

十月五日諸友會予宅

林間煖酒燒紅葉，千古香山只一詩。文槐繡軒皆俗物，蠟薪餽金亦何為。歸樵暮失可休蔭，飢鳥夜無可

宿枝筵，問傍人吾醉否。又看處處掩雞埭。

題辭二首

己卯

殖產本無田，二頃賣文豈要字。三縑架頭書亂認，簽帙瓶腹水枯鉤。井添縱使壯心伏，櫪馬從來事業上。竿點龍門禹穴遊，何日匏繫而今突已黔。嘗披青史有遺恨，千古難逢鐘子期。冷語於人多取忤，安居在我分非宜。宜詩堦雪方堆夜，堪畫籬梅最瘦。披南越樓蘭今已矣，不如窓底伴毛錐。

詠學二首

須識人人斯性善，希賢希聖豈難為。盡心全在擴充

力志道要逢深造，期祖述嘗聞堯。及舜雅言又見禮，兼詩魯中有叟君。知否善誘循循不我欺，聖賢心印今如見。蟠地極天於穆哉，行止疾徐道斯在。性情存養教回，開莫從紙上騁。空知須就世間成實材，識破這中有真意。許君親見仲尼來。

春晚臥疾

造化小兒相，苦甚擁衾側。臥怯春寒時，烹茗潤喉吻。戲炷清香，觀鼻端天氣。困人風習習，鼓聲和夢夜。曼曼不知簾外花，消息扶病強為開戶看。

挽那波古峰丈

五月廿六日終

菜字夢圓人已非，依然如見執毫揮。多年翰墨空留迹，幾處園莊長掩扉。晚翠窩閑風索索，芭蕉窗暗雨霏霏。社中詩句回君但，自是新吟應更稀。

新秋

比來久廢敲推業，幸免被呼太瘦生。竹日暉暉晴弄影，梧風索索晚成聲。無書可檢就人借，有友堪招折柬迎。蚊陣稍收堪隱几，須剔篝灯到天明。

贈本尾道育歸長府

志問關外省扮里，明石城頭維客舟。東阜西郊嘗共到，農經軒典苦相求。龍頭遠嶼潮痕濕，魚眼射波海

氣秋今日拔尤空異北新詩自是復傳晴

贈荒木玄周歸長府

雲山千里自長州也使黃花惹客愁送後慵繙江淹賦飲中頻上仲宣樓月泛漁艇須磨曉波湧琳宮巖島秋奮日交遊知刮目莫貽吾黨士林羞

從家君同冬嶺翁會坦菴翁宅次主人韻

庚辰正月十一日原永貞大町敦素到

春韭雨晴客滿筵輕寒侵衣覺蕭然文人行是通家好長者言為天下先須吐情真舒繾綣豈將文字鬪嬋妍喜今陌上隨三叟不向飲中慕八仙

附元韻

底室相逢離隔年情如瓜葛蔓延然聚星不是荀公宅尚齒還居自氏先春雨新晴山似沐夜寒稍減竹初妍老來共擲人間世笑傲何妨作地仙

柳隱北村丈卜居

不向王門求曳裾却於塵裡構精廬嘗聞愛柳陶元亮又見下帷董仲舒翰墨林中聲卓爾利名場外趣晏如半墻殘雪半樓月留與高人飽讀書

陪小堀君遊清和院

二月十一日從家府同敦素到  
逍遙地屬寂寥境歌吹海非翰墨場淨界那堪容俗物良辰且見向韶光林林樹密鳥相避徑徑花多蝶更忙雲影徘徊松檜頂恨無半畝鑿方塘

春山

藤蘿影暗路縱橫，偶聽鐘聲尋化城。  
松頭雲簇日光薄，蘋末波皺風力輕。  
豪氣雖非題柱客，壯懷空說棄繻生。  
山山樹樹春皆好，况又前村帶雨耕。

偶書

事業那堪口舌爭，千年只有首陽名。  
無人來問屠龍手，閒俗俱招使鬼兄。  
柴几習書嫌字拙，梅窓哦句覺詩清。  
新菘肥雨旋堪瀹，時自安排折脚鐺。

春日偶成

未將刀筆學良吏，願掛姓名附逸民。  
微潤雖宜移樹

候輕陰且惱看花人，從來文字情難絕。  
他日笙歌迹易陳，唯有柳條不孤約。  
依然又見舊精神。

春晚小墟看山莊

三月八日從家君同教弟往山崎氏在坐帶路將雨

林鳥好聞聲恰恰，鞋何厭到頻頻。  
非烟非霧村村靄，有酒有詩處處春。  
雨後山添濃意態，水邊花帶淡精神。  
朱厓黃閣迹俱遠，至樂屬斯無事人。

夏夜對月

那容俗物擾清閑，半榻輕颺對馬班。  
天上冰輪今古色，人間朱黻咄嗟間。  
幸逢新釀熟時酌，旋取舊文繁

處刪涼入郊墟吾事足城東無地不佳山

題待倚軒

六月廿一日

長對閑雲兼疊巒不招繡轂與金鞍縹緲是處伴清  
隱襍穢何人走熱官芽葉綠欹風獵獵藕花紅綻露  
溥溥雖然已了向平願沙上白鷗盟不寒

訪凹凸窠三好丈人

十月十四日

怪松抱石壓岩扉回磴層層上翠微尋葦者穿旁徑  
過負薪人認別邨歸閑看雲影幾來去既遺世間百  
是非此味難俱夸者說一丘一壑意依依

衰柳

一帶長隄人獨立笛聲不管訴怨頻最悲瀟岫將斜  
日追憶未央欲暮春霜後葉無新物色月中枝著舊  
精神風流何處張公子恨殺河邊離別人

次並河損齋見寄韻

休言濟世無三策何用為高伴七賢東阜殘春迷柳  
外西窓斜月蔭花前詩書仍舊占閑地鴻鯉而今隔  
各天早晚細評分妙理新文篋裡二三篇

元日 辛巳

窓日烘烘將丈五那容俗子問華胥東風拂曙液冰  
柱小雨隔年湯雪車青史有名唯管樂烏皮無卷不



歐蕪芳辰於我心期在花樹移來已歲餘

春初同諸友謁銀青藤公二月初三日村冬嶺北萬所臨蘭皋到

退公清暇好追隨近午既經營相祠麟閣策勳知有

白螭頭名對每移時遠園修竹可千箇照水疎梅繞

一枝慙愧幾年文字飲品題未見半篇奇

寄浮屠道香師

滿地松花日欲曛篆烟影散覺餘薰  
日緣久領能仁自作業須由宜父文性性圓成千澗月心心不住半溪雲  
斯言斯理須還子吾道從來無異聞

和春日思親詩

予嘗識滄浪室子之名于若水稻子得聞其一二篇章想望風采有日矣頃見示其春日思親十二什求予廣其韻吟玩咀嚼其屬毛離裏之感雖具慶之人不故不動心也若水子北行期促催迫不暇漫酬三什以應高響

瓊章忽見映春陰  
嘔出連篇孝子心  
月下歡娛思昔侍  
花前杖履與誰尋  
著存誠有蘋蘩在  
顧復思薰滄海深  
會面無期南北隔  
新詩一卷是知音

聞說麻衣久已除  
數篇孝思尚如初  
音容長見親栽樹  
手澤猶存嘗授書  
霜露而今增感慕  
苦塊當日厭安居  
奉先休道三牲乏  
治芷有毛澗有蔬

滿篇珠玉落書堂  
諷玩知從孝子鄉  
幽鳥傍窓如訴

恨閑花泣露，覺無香。唯聞哀歎與長哭，不見錦心魚。  
綉腸水木本，源多易忽。歲寒獨有野梅芳。

東並河楨齋

司馬世家國威，勳幕賓新見。都參軍三更詩，思空梁  
月千里。面談日暮，雲佩印莫誇。何若若抱經，須識欲  
云云。而今幹蠱休，遙念辛有阿。同才技羣。

辛巳仲秋無月

滿架圖書散未收，仍聞絡緯動清愁。當期佳會三秋  
半，那意賞心一夕休。雲影無人橫北渚，雨聲伴客近  
南樓。百年天地恨何限，慵去滄州伴白鷗。

秋日遊知還堂

八月廿四日，家君弘，至怡菴到

北岳秋深襟期爽，况令松桂繞林扉。道高勝會應難  
得心，遠功名不可期。尋葦行行披翳會，聽泉曲曲涉  
崎嶇。早知野意尤堪賦，金屋從來不入詩。

奉謁曼珠親王應教即事

九月三日，從家君謁一乘寺竹門主

峯巒徑細幾經險，日午初臻古道場。秋穀懸黃添野  
色，晚松弄綠惹嵐光。龍歸諸洞千巖月，雁叫半空一  
夜霜。帝子好文饒詞客，山窓剪燭坐更長。

寒夜讀史

得人字

聚首唔咿夜方永，間邊尚友幾多人。龍門筆力勞擒



詩以酬之

忽見淋漓數行字，唐詩一律慶新正。望中鷺嶺嵐光濕，夢裏龜山黛色橫。韜畧年年由世守，詩書砢砢飽芳聲。報章不盡答高意，更展吳牋吐野情。

中秋遇雨緒方維集席上次韻

佳期一夜雖相失，多幸幽齋得浩遊。鴻雁行行雲影黑，芭蕉葉葉雨聲愁。青樽是處客前席，銀燭幾家人倚樓。商榷又逢舊詩伴，共聞絡緯對清秋。

重九日桂川處士同諸友登如意岳有詩見似

和呈請政二首

隔斷紫街十丈塵，山容經雨特清新。世情隨境有榮辱，志氣到頭無屈伸。擇勝自喻望蜀者，搜幽常遇避秦人。山阿叢桂嘗招隱，益識慵尋名利津。  
亂藤高竹接嶙峋，數箇茅茨野况新。松子得風時或墮，稻孫依畝冷難伸。漢陰嘗遇抱甕叟，塞上又聞失馬人。一笑癡兒煩伎倆，吟風弄月意津津。

紹述先生文集卷之二十四終

